

Cul spiert da la cumünanza

Ün on La Tabla – tia pagina rumantscha

DAD ANNATINA FILLI / ANR

■ **L'intent da la pagina d'internet latabla.ch es da spordscher ad auturas ed autours üna plattafuorma per publicar lur texts ed istorgias. Plünavant es la pagina dvantada ün lö d'inscunter per tuot la Rumantschia.** Avant ün on sun gnüdas publicadas las prümas istorgias sülla pagina d'internet latabla.ch. L'inizianta da quista plattafuorma digitala es *Corina Gustin*, oriunda da Tschlin. «L'idea d'eira da metter a disposiziun ün lö d'inscunter i'l internet per tuot la Rumantschia», disch *Corina Gustin*. Davo ün on s'han accumuladas sias aspettativas, saja quai a regard la partecipaziun da las auturas e dals autours sco eir dals lectuors.

Artichels i'ls differents idioms

Sül prüm marchà virtual rumantsch es chatta regularmaing artichels scrits i'ls differents idioms o in rumantsch grischun. Important es il spiert da cumünanza ed uschea es minchün invità da cuntinuar a svilupper il proget insemel cun l'inizianta. «Qua chi's tratta qua dal prüm proget da quist gener nu daja ingüinas pussibilitats da congular las cifras dals visitaduors», manzuna *Corina Gustin*. Al mais visitan tanter 600 fin 1200 lectuors la pagina, saja quai i'l internet o cun l'agüd dad oters mezs electronics. «I dependa adüna chi chi scriva la contribuiziun e che chi vain tematisà.» Tenor las cifras ramassadas durant il prüm on s'ha pudü constatar cha 1600 persunas visitan regularmaing la pagina da La Tabla. Sco ch'ella disch ha'la survgni durant l'on diversas bunas reacziuns, eir da persunas rumantschas chi abitan illa Bassa, in Italia o illa Frantscha. Dafatta in Brasilia daja persunas chi fan adöver da quista plat-



La pagina d'internet **latabla.ch** ha pudü festgiar seis prüm anniversari.

GRAFICA MAD

tafuorma. *Gustin* svesa custodischa la pagina durant seis temp liber ed es cuntainta per minch'idea o proposta dals amatuors da sia pagina d'internet.

Ün lö d'inscunter

La Tabla dess eir esser ün lö d'inscunter na be per persunas chi voutan publicar lur texts. Uschè spordscha la plattafuorma latabla.ch eir ün chalender d'occurrènz, concurrenz e bler oter plü. «La rubrica dal marchà dovra amo ün pa daplü chüra», disch *Corina Gustin*. In quista butia online vout ella spordscher a tuots la pussibilità da vender lur prodots: «Eu pens qua a paurs, persunas chi fan lavuors a man o mansterans chi tscherchan amo ün'ulteriura pussibilità per vender lur roba.» La spüerta centrala dessan però restar inavant ils texts rumantschs. Al team da las auturas e'ls autours fan part persunas da tuot l'intschess rumantsch.

Per l'Engiadina scrivan *Romana Ganzoni*, *Bettina Vital*, *Fadrina Hofmann*, *Anna Mengiardi* e l'inizianta svesa las contribuiziuns. «Al cumanzamaint publichaivan nus fin ad ot contribuiziuns al mais», manzuna *Corina Gustin*. Hoz importa quista cifra quatter fin tschinch artichels al mais, quai chi significha cha'ls lectuors survegnan la pussibilità da leger minch'eivna ün nouv text. «Ün dals böts es eir da far gnir plü cuntschainta la plattafuorma latabla.ch e d'augmentar il numer dals lectuors.» Eir ulteriurs autours sun adüna bainvis.

Dvantar ami da La Tabla

Sco cha *Corina Gustin* disch fuorman las ulteriuras spüertas da sia pagina d'internet «ün pa la decoraziun». «Quist proget es amo relativmaing giuven ed uschea daja adüna alch chi's po amo amegldrar.» Ün punct important per ella es cha las auturas

e'ls autours vegnan eir indemnisats per lur lavur. Quai funcziuna pel mumaint cul sustegn da sponsuors regiunals. «Da chat-tar firmas o persunas chi sustegnan las singulas contribuiziuns nun es uschè simpel. Quai eir pervi chi nu sun adüna occurrenz localas.» Ün lectur ha proponü da pussibilitar quist sustegn eir da vart da persunas privatas. Prosmamaing gnarà fundada la «Società Amis da La Tabla» ingio cha tuot ils amatuors pon as registrar e dvantar commembers. «La commembranza es averta per tuots. Id es previs chi's possa lura pajar üna contribuiziun annuala sco persona singula, sco famiglia o lura daja eir la pussibilità da far üna donaziun d'üna vouta.» Eir in avegnir dess restar il spiert da cumünanza ün dals puncts centrals dal proget. «Eu m'allegro da tuot ils cussagls, da las criticas e da las reacziuns dals visitaduors da la pagina latabla.ch», concluda *Corina Gustin*.

LA QUOTIDIANA

Editura: Samedia Press AG
Editur: Hanspeter Lebrument
CEO: Andrea Masüger
Schefredactor: Martin Cabalzar
Redacziun
Agentura da Novitads Rumantscha (ANR):
 Flurin Andry (fa), Augustin Beeli (abc),
 Andreas Cadonau (ac), Claudia Cadruvi (vi), Gieri
 Antoni Caviezel (gac), Annatina Filli (afi), Hans
 Huonder (hh), Susi Rothmund (sr), Gion Nutegn
 Stgjer (gns).
Collavurators redacziunals:
 Giusep Capaul (gc), Lucas Deplazes (ld).
Adressas redacziunals:
 La Quotidiana, Via Sommerau 32, 7007 Cuira,
 tel. 081 255 57 10,
 mail: redacziun@laquotidiana.ch
Agentura da Novitads Rumantscha (ANR)
 Via da Masans 2, 7000 Cuira,
 tel. 081 250 48 00, fax 081 250 48 03,
 mail: anr@spin.ch
 Surselva: tel. 081 936 47 00, fax 081 936 47 01,
 mail: surselva@anr.ch
 Engiadina: tel. 081 864 81 12, fax 081 864 81 22,
 mail: engiadina@anr.ch
 Surmeir: tel. 079 430 69 30, fax 081 684 32 82,
 mail: surmeir@anr.ch
 Schons: tel. 078 626 42 25
 mail: b.riedhauser@bluewin.ch
Editura Samedia,
 Via Sommerau 32, 7007 Cuira;
 tel. 081 255 50 50,
 mail: verlag@samedia.ch
Servetsch d'abunents e da distribuziun:
 Via Sommerau 32, 7007 Cuira,
 tel. 0844 226 226,
 mail: abo@samedia.ch
Inserats
Samedia Promotion,
 Via S. Clau Sura 11, 7130 Glion
 tel. 081 920 07 17, fax 081 920 07 18,
 mail: ilan.zinserate@samedia.ch

La Quotidiana compara tschintg giadas ad emna
Ediziun derasada: (Süidostschweiz cumplet)
 76504 exemplars, Ediziun vendida 73 188 exem-
 plars (WEMF-/SW-beglaubigt, 2016)
Derasaziun: 159 000 lecturs (MACH-Basic 2016-2)

Pretschs d'abunaments sut:
www.suedostschweiz.ch/aboservice
Comunicaziun da participaziuns considerablas
sin fundament da art. 322 CP:
 nagin

Dretgs d'edütor
 Igl è scumandà a terzas persunas betg
 autorisadas da reutilisar en ina moda u maniera ils inse-
 rats stampads en quest titel u parts da quels, surtut cun
 endatar els en in servetsch d'online. Muintga cuntraven-
 zion vegn persecutada giudizialmain da la societad da
 propaganda, suenter avair consultà la editura.

© Samedia

RTR Radiotelevisiun Svizra Rumantscha **SRG SSR** www.rtr.ch **al puls dal Grischun**

RADIO

14.03 L'INSTRUMENTALA (rep.)

Sin viadi tras l'Europa

«L'Instrumentala» preschenta questa giada
 titels ord citads da l'entira Europa.



Anc ina giada pachetar la cofra per las
 vacanzas d'atun ed ir insanua en ina
 citad da l'Europa, è fitg popular. Era
 «L'Instrumentala» pachetscha sias cofras
 e sa metta sin viadi. Nus na visitain dentant
 betg mo ina citad, na nus faschain ina
 turnea tras l'entira Europa e preschenta
 titels da citads da l'entira Europa.
 Redacziun: Flavio Tuor

19.00 LA POPULARA

La clav da violina d'aur

La distincziun la pli impurtanta da la musica
 populara en Svizra.



Cun quella vegnan onuradas persunalitads
 ch'han acquistà gronds meritis a favur
 da la musica populara, instrumentala
 e dal chant. Quest atun survegn Dani
 Häusler la clav da violina. Cun 43 onns è

el in dals giuvs ch'han quell'onur. En
 questa populara udis tocs da persunalitads
 ch'han survegnì auters onns la clav
 da violina d'aur. Per exempel da Hans
 Fischer, Edy Walliman, Domenic Janett
 (foto) e Hans Niederdorfer.
 Redacziun: Jachen Prevost

20.03 MARELLA (rep.)

Noss cor – noss motor – e l'infarct

Castgina Berther, Corsin Sac ed Otto De
 plazes han tuts trais gî in infarct dal cor.



Mintgin ha senti quai in pau auter – mintgin
 ha reagi sin sia moda e maniera. «Quai
 tutgava segir betg mai», di Otto Deplazes,
 e Corsin Sac discorra dad «in'explosiun
 ord il nagut». Els raquantan dal temp
 avant – il di da l'infarct e co lur vita è
 ida vinavant suenter l'infarct. Cun il medi
 Martin Tomaschett avain nus tadla las
 istorgias personalas, ed el declera tge che
 capita en mintga fasa da quest temp.
 Redacziun: Esther Berther

PARADA DA HITS
SONDA A LAS 14:00-16:00

dapli sin www.rtr.ch

TELEVISIUN

10.55 CUNTRASTS SIN SRF INFO (rep.)

Ils novs vischins da Laax

Suenter che la vischnanca aveva cumbattì
 durant trais onns cunter il center transitoric
 per requirents d'asil, èn ils emprims fugitivs
 arrivads il favrer 2015 a Laax.



Là han els prendi dimora en l'anteriur
 hotel da trais stailas «Rustico». Turists e
 fugitivs! Per quels da Laax insatge nun-
 pussaivel. Il cas ha bittà undas fin avant
 dretgira federala. E la finala han ils da
 Laax stuì capitular. Co sa preschenta
 la situaziun oz? En il «Rustico» vivan 2
 onns e mez pli tard anc adina var 100
 persunas dad 11 naziuns. Eran quai il cumenzament
 per il pli umens giuvs da l'Eritrea e da la Siria,
 èn quai oz familgas. Ils umens han fatg
 midada da Laax a Valchava en Val Müstair.
 Ed en il center a Laax han ins lura schizunt
 pudì beneventar il december 2015 l'emprim
 novnaschi en il Rustico. E Hadi, in medi
 d'anestesia da la Siria, ha bandunà il Rustico
 ed ha chattà lavur a Tavau.

17.50 SIL PUNCT SIN SRF 1

L'emissiun d'infurmaziun sin SRF 1
cun suttitels tudestgs sin TXT 777
 (repetiziun sin SRF info tranter las 18.00
 e las 22.00)

RADIO RUMANTSCH

04.00	SRF novitads	11.45	Total local
04.03	Musica populara	12.00	Novitads
05.00	SRF novitads	12.06	Actual da mezdi
05.03	Musica populara	12.15	Cumpact da mezdi
06.00	Novitads	12.30	SRF Rendez-vous
06.06	Actual la damaun	13.00	Las gratulaziuns
06.30	Novitads	14.00	Novitads
06.40	Impuls	14.03	Rep. L'Instrumentala
06.50	Revista da medias/Meteo	15.00	Novitads
07.00	Novitads	15.03	Musica
07.06	Actual la damaun	16.00	Novitads
07.30	Novitads	16.03	Sempervers / Top 3
07.40	Kikeri6	16.30	Program da kino
07.50	Revista da medias/Meteo	16.50	Prevista Sil punct
08.00	Novitads	17.00	Novitads
08.06	Actual la damaun	17.06	Actual la saira
08.30	Novitads	17.50	Meteo
08.40	Il chavazzin dal di	18.00	Novitads
09.00	Novitads	18.06	RTR cumpact – survista dal di
09.05	La coppina	18.15	SRF Echo der Zeit
09.15	Chalender	19.00	La populara
09.30	Musica	20.00	Novitads
09.45	Tge chaussas	20.03	Rep. Marella
10.00	Novitads	21.00	Novitads
10.15	Tips, trics e tacs – cuschina	21.03	Musica
10.30	Famus e glorios	22.00	Novitads
10.55	Rep. Impuls	22.03	Musica
11.00	Novitads	23.00	Novitads
11.03	Actual da mezdi	23.03	Grischun sonor
11.15	Co e cum	23.55	Buna notg

TAR RTR DATTI
30 DIFFERENTAS
PROFESSIONS
rtr.ch/plazzas
RTR Radiotelevisiun Svizra Rumantscha **al puls dal Grischun**